

Muma Maler mar nyithindo Kelonu

Nywol mar Yesu



Ondike gi: Edward Hughes
Piche ogor gi: M. Maillot
Alastair Paterson
Otene gi: E. Frischbutter; Sarah S.
Oloke e dholuo gi: Ouma Grace
Ogole gi: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.

Laisens: Oyieni kopo kata goyo chapa sigana ni, to ok oyieni use.

Chon ahinya, Nyasaye ne ooro malaika
manyige Gabriel ir nyar Jo-Yahudi
matin majaber mane nyinge Maria.
Nowachone ni, "Ibiro mako ich
kendo ibiro nywolo nyathi
mawuowi mi ichak nyinge
ni Yesu. Enobed gi duong'

kendo noluonge
ni Wuod Nyasaye
Maduong'
Moloyo.
Nobed Ruoth

nyaka
chieng'."



Maria nowuoro mopenjo malaika niya, "Ere kaka mano nyalo timore, to pod an nyako silili kama?" Eka malaika noduoke ni Nyathino Nyasaye ema nochiw. Ok nowuog kuom dhano.




3

Malaika nowachone Maria bende ni waygi moti, Elizabeth osemako ich, kendo biro nywolo nyathi. Ma, bende ne en hono. Bang'e Maria nodhi molimo Elizabeth kendo ne gipako Nyasaye kanyakla.



4

Maria ne oyudo osetimo osiep mar kend gi ng'at moro mane nyinge Josef. Kane Josef ofwenyo ni Maria ne nigi ich, nowinjo malit. Noparo ni dichwo moro emane omiye ich.



5


Malaika mar Nyasaye nofwenyore ne Josef ei lek mowachone ni Nyathino en Wuod Nyasaye. Nowachone ni okony Maria rito Yesu.



6

Josef norito chike Nyasaye kendo nogeno kuome. Norito chike mag piny bende. Nikech chik manyien mane owuok, en gi Maria ne gidhi dalagi Bethlehem mondo gichul

osuru.




7

Kinde Maria mar nywol ne ochopo. Katakamano Josef ne ok nyal yudo ot kamoro amora. Udi duto mag welo ne opong'.



8

Josef noyudo mana thuolo e kisika dhok. Kanyo, emane onywolie Yesu. Min mare nopiele e sanduk mimiyo e dhok chiemo e kisika dhok.



9

Ne nitiere jokwath moko e gweng'no mane nindo oko karito jambgi. Ne gipo ka malaika mar Nyasaye obiro negi mowachonegi wach maber molojo.



10

"Kawuono osenywol Jawar e dala Daudi maen Mesia Kristo ma Ruoth. Ubiro nwang'o Nyathi Makwar kopol e kisika dhok."



11

Gikanyono oganda maduong' mar malaika mag polo ne ochopo ka gi epako Nyasaye ka giwacho ni, "Duong' obed ni Nyasaye



e polo malo, kendo kue

obedi e piny, ni joma Nyasaye oyiero."

12

Jokwath ne oreto ka gidhi e kisika dhok. Kane giseneno Nyathino, ne giwacho ne ji duto gima ne malaika owacho kuom Yesu.



13


Bang' ndalo piero ang'wen, Josef gi Maria notero Yesu e hekalu mane nitiere Jerusalem.

Kanyo jal miluongo ni Simeon nopako Nyasaye kuom Nyathi, ka jatich Ruoth Nyasaye machielo moro moti, miluongo ni Ana, nogoyo erokamamno.



14

Giduto neging'eyo ni Yesu ne en Wuod Nyasaye, Jawar mane osingi. Josef notimo misango gi winy ariyo. Ma e chiwo ma chik Nyasaye nowacho mondo joma odhier ogol ka gitero nyathi mayom ne Ruoth Nyasaye.



15


Bang' kinde, sulwe makende notelone Ajuoke moa yo Wuok chieng' nyaka Jerusalem.



16

Ne gi penjo kama, "Ere Ruodh jo-Yahudi monywol? Wadwaro lame."

Ruoth Herode nowinjo wach ajuoke. Kibaji nogoye ahinya, nokwayogi mondo giwachne ka giyudo Yesu. Herode nowacho, "An bende adwaro dhi lame." To ne oriambo. Herode ne dwaro nego Yesu.




17

Sulwe notayo Ajuoke nyaka e ot hie kama Maria gi Josef nodakie gi Nyathi matin. Ka gigoyo chonggi piny kagilemo, jowuodh gi nomiyo Yesu mich ma bech gi ng'eny mar dhahabu gi moo mang'ue ng'ar.




18

Nyasaye nosiemo Ajuoke mondo odog thurgi ling' ling'. Mirima mager nomako Herode. Jatelo marachni nong'ado ni onego Yesu, mi onego nyithindo matindo ma jowuowi e Bethlehem.



19

To Herode ne ok nyal hinyo Wuod Nyasaye! Bang' siem ei lek, Josef nokawo Maria gi Yesu ma gidhi gi pondo Misri.



20

Bang' tho Herode,
Joseph nodwoko
Maria gi Yesu
koa Misri.



Ne gidak e dala matin mar
Nazareth, machiegni gi nam mar Galili.

21

Nywol mar Yesu

Sigana ma owuok kuom Wach Nyasaye,
maen Muma Maler

yudore e

Mathayo 1-2, Luka 1-2

"Tiend wacheni koel, to kelo ler."
Zaburi 119:130

22

Giko

36

60

23

Sigana mar Muma Malerni puonjowa kuom
Nyasaye Hono mane ochueyowa kendo dwaro mondo wang'eye.

Nyasaye ong'eyo ni wasetimo gik ma ok beyo, ma Oluongo ni richo. Kum mar richo en tho, to Nyasaye oheri ahinya omiyo nooro wuode ma miderma, Yesu, mondo otho e Msalaba kendo okaw kum mar richowa. Bang'e, Yesu nochier kendo nodhi e Polo! Ka iyie kuom Yesu kendo ikuaye mondo oweni richoni, obiro weyoni! Obiro donjo sani ei chunyi kendo odak kodi, in bende ibiro dak Kode nyakachieng'.

Ka iyie ni ma en adieri, wachne Nyasaye kama:
Jahera Yesu, ayie ni In Nyasaye, mane odoko dhano kendo otho ne richona, to koro ingima kendo. Akwayi ni idonj ei chunya, kendo iwena richona, mondo abed gi ngima manyien sani, mondo chieng' moro achiel adhi adag kodi nyakachieng'. Konya mondo awinj Wachni kendo adag kaka Nyathini. Amin.

Som Muma Maler kendo wuo gi Nyasaye pile ka pile!
Yohana 3:16

24